



(Atkelta iš 35 p.)

mams, artilerėjės sviedinīs apgadėna bažnīčės frontuona vėršo, katros 1923 m. bova atkorts, nuors ėr netėkslė.

1930 m. suremontoutas bažnīčės kėimė esontės galerėjės.

1931 m. bėrželė 21 d. Tituvienūs bova ikorta cėntrėnė vėsuos Žemaitėjės vīriausībė.

1956 m. Tituvienams bova soteiktas miesta teisės.

1961–1965 m. svarbiausė bažnīčės ėr vienuolīna pastatā bova restaurutė pagal architektiu Zareckienės Dalijės ėr Kugevičienės Birutės pruojekta.

1992 m. ikorts Tituvienu regėjuonėnis parks. Anuo tėkslos – išsaugotė kalvotu, pelkietu, ežeringu apilinkiu kraštuovaizdi, senuovėnius Šėluvuos ėr Tituvienu urbanistinius paminklus, savėta gamta ėr kultūras pavelda vertībės.

2002 m. patvirtints Tituvienu herbs.

2004 m. Tituvėnūs bova pradietė organizutė tarpautėnė menū festivalė.

2008 m. parėngts pruojekts „Tituvienu bernardinu vienuolīna ansablė pritaikīms turizma reikmiems“. Tū patiū metu spalė 27 d. Lietovuos Respublikas ūkė ministra isakīmo tas pruojekts bova itraukts i Valstībės planoujėmu turizma pruojektu, katrus ėr siūluoma finansoutė iš 2007–2013 m. Euruopas Sājungas paramuos liešū.

2008 m. kuova 28 d. isteigta Viešuoji ĩstaiga „Tytuvėnų piligrimų centras“. Steigiejė, dalininkā ėr Kelmės rajuona savėvaldībė, Šiauliū vīskupėjės kurėjė, Tituvienu Švč. Mergelės Marijės Angelū Karalienės parapėjė. Cėntra tėkslā: igīvendintė Tituvienu bernardinu vienuolīna rekonstrukcėjė bei pritaikītė vienuolīna pastata turizma, piligrimu, tėkontiūju puoreikems ėr dvasėniems reikmiems. Cėntros reng ėr igīvendėn kultūras, švėitėma, mena plietuojėma, turizma vīstīma prougramas, plietuo Tituvienu architektūrėnė ansablė išsauguojėma ėr turizma institucėju rīšius, skatėn vėsuomenės kultūrėnė veikla, turizma ėr piligrimīstė.

